

Powšitkowne WOZJEWJENJA

njedźelu, 24. apryla 2022

Wusyłanje Božej mše

Serbskorěčnu Božu mšu móža wěriwi tutu njedźelu, 24. apryla, w 9 hodź. z Chrósćic jako livestream scěhować. Link na nju je w interneće pod www.posol.de a na wosadnej stronje podaty.

Požohnowanje motorskich

Popołdno z požohnowanjom motorskich zahaji so njedźelu, 1. meje, w 14 hodź. z nyšporom w Ralbičanskej cyrkwi. Přizamknje so zhromadny wulět.

Wohnjowi wobornicy do Różanta

Džakna Boža mša wohnjowych wobornikow ze Zarjadniskeho zwjazka „Při Klóšterskej wodze“ k česći swjateho Floriana budže pjatk, 6. meje, w 19 hodź. w hnadownej cyrkwi w Róžeńće. Wšitcy wobornicy kaž tež hosćo su k tomu přeprašeni.

Putnikowanje wujednanja w Hejnicach

Wěriwi z Němskeje, Pólskeje a Českeje su sobotu, 7. meje, wutrobnje na putnikowanje wujednanja do Hejnic přeprašeni, wuraznje tež Serbja. Boža mša w hnadownej cyrkwi budže w 10.30 hodź. Swjećić budže ju kanonik Maciej Wesołowski ze Zgorzeleca.

Mejski nyšpor TCM

Towarstwo Cyrila a Metoda z.t. (TCM) přeprašuje na mejski nyšpor, kotryž budže njedźelu, 8. meje, w 17 hodź. w Róžeńčanskej swjatnicy. Jón wuhotuje Muski chór Delany. Wšitcy su wutrobnje witani.

Wodźenje po parku

Smochčanske kubłanišćo swjateho Bena přeprašuje tutu njedźelu, 24. apryla, na wodźenje po hrodowym parku. Započatk je w 15 hodź. Přizjewjenja su trěbne, a to telefonsce pod čisłom (03 59 35) 2 20 abo z mejlku na info@bg-schmochtitz.de.

Hłowna a wólbna zhromadźizna TCM

Předsydstwo Towarstwa Cyrila a Metoda z.t. (TCM) přeprašuje wšitkich člonow towarstwa, člonow sekcijow a korporacijow kaž tež zajimowanych hosći na swoju hłownu a zdobom wólbnu zhromadźiznu pjatk, 13. meje, do Chrósćic. Započatk je w 19.00 hodź. z Božej mšu w cyrkwi. Přizamknje so zhromadźizna na farje.

Knižna premjera z Trudlu Malinkowej

Awtorka Trudla Malinkowa předstaji swoju w Budyskim Ludowym nakładnistwje Domowina wušlu knihu „Sorbische Denkmale. Handbuch sorbischer Gedenk- und Erinnerungsstätten“ srjedu, 4. meje, w Budyskej Měšćanskej bibliotece. Započatk je w 19 hodź., zastup je darmotny. Přizjewjenja pak su trěbne. Zajimcy měli sej swoje městno pod telefonowym čisłom (0 35 91) 53 48 27 rezerwować.

Jězba w lěcu za šulerjow 5. do 8. lětnika

Dekanatne dušepastyrstwo džěci přeprošuje šulerjow 5. do 8. lětnika w lětnich prózdninach na jězbu do Lückendorfa w Žitawskich horach. Wona wotměje so wot póndžele do pjatka, 15. do 19. awgusta. Přizjewjenja přijimuju hač do soboty, 30. apryla, online. Link je pod www.posol.de podaty.